



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1652. usque ad annum 1662

Fleury, Claude

August. Vind. [u.a.], 1779

VD18 90119185

§. 3. Gondius seu Radesius Cardinalis Regis jussu captus, & Vincennas abstractus.

[urn:nbn:de:hbz:466:1-67372](https://nbn-resolving.org/urn:nbn:de:hbz:466:1-67372)

Sæc. XVII. quiescere, & plerumque istic motus
A. C. 1652. quamcunque in partem incubuerint, non
 esse diuturnos, præcipue, quando pri-
 mus tumultuantium impetus constanti
 animo retunditur.

§. III.

*Gondius seu Radefus Cardinalis Re-
 gis jussu captus, & Vincennas
 abstractus.*

*Priet. Hist.
 mund. ad
 An. 1652.
 Daniel Hist.
 de France
 tom. IO.*

Interea Hispani ex civilibus hisce dissi-
 diis plurimum contra Gallos in Ca-
 talonia profecere; hos enim capta Bar-
 cinonensi urbe ex universa ferme Pro-
 vincia expulerunt, necnon Gerundam,
 Palamosium, pluresque alias civitates
 pristino suo Regi vindicarunt: nec mi-
 nus luculenta ignaviæ, levitatisque mo-
 nimenta Galli in Italia & Flandria de-
 fixere; paucos enim intra Menses præ-
 ter Casalin urbem Mantuano Duci red-
 ditam, insuper Dunckerkam, & Gra-
 velingam Hispanis cedere coacti sunt:
 Tot damnorum culpa non infima cre-
 debatur Paulus Franciscus Gondius,
 vulgo dictus Cardinalis Radefus, antea
 Corinthiacus, postea Parisiensis Archi-
 episcopus, qui inter Regis & Princi-
 pum dissidia medias partes tenere simu-
 lans, utriusque partis favore Cardina-
 lis creabatur, & Franciæ tumultibus,
 quos

quos tanquam *Fundibulariorum* Caput Sæc. XVII.
A. C. 1652.
 non parum promoverat, & ingenio suo
 potissimam partem purpuram debebat:
 Postquam igitur Mazarinus Cardinalis
 juratus Radefii hostis cum valido agmi-
 ne Regiis Baro - Ducum obsidentibus
 suppetias venerat, victorque unacum
 Rege Lutetiam ingressus erat, Radefius
 sibi metuens, cum Mazarino reconci-
 liari exoptabat, hancque in rem suæ
 Neptis conjugium cum præfati Cardi-
 nalis Nepote offerebat: Spe tamen suâ
 delusus, non modo Mazarino æqualis,
 sed & superior esse nitēbatur: postquam
 vero Rex illum tanquam Legatum Ro-
 mam mittere decreverat, Radefius tam
 ingentem pecuniarum vim, tamque am-
 plas dignitates, & munia pro suis con-
 sanguineis postulabat, ut indefat lucu-
 lenter pateret, quod Galliis excedere
 nollet: quinimo nonnisi armatorum
 manu stipatus, ex ædibus suis prodi-
 bat, palam declarans, se nunquam Pa-
 risiensem auram mutaturum: cum au-
 tem inde novi tumultus suspicio in eum
 caderet, simulque insimularetur, quod
 eadem die, qua Rex Parisios redierat,
 Aurelianensi Duci suasisset, ne ex Re-
 gis mandato urbe excederet, hinc Rex
 illum, cum nihil sinistri suspicatus Lu-
 param adiret, ex Mazarini æmuli sui
 consilio die decima nona Decembris

Sæc. XVII. comprehendi, & Vincennas primo, ac A. C. 1652. postea ad Nannetensem arcem abduci iussit. Comperta Cardinalis captivitate Franciæ Præsules, Sorbonæ Doctores, ac præcipue Parisienses Cathedralis Ecclesiæ Canonici de violata immunitate graviter questi, Pastorem suum in libertatem asseri petebant, hancque in rem per triduum Sacratissimam Eucharistiam exponi præcipiebant: Insuper summus Pontifex Morinium Lugdunensem Archiepiscopum Parisios ad Regem deputabat, ut Sacræ Sedi, quæ sola competens esset Cardinalium Judex, capti Præsulis causam reservari impetraret: priusquam vero hic Archiepiscopus iter aggrederetur, Regii Senatus literas Lugduni acceperat, quibus ulterius progredi prohibebatur: ne tamen ea res in funestos successus erumperet, Mazarini Cardinalis prudentia, dexteritasque præpedivit.

§. IV.

*Franciscus Canonici Mascambrunus
Romæ extremo supplicio
affectus.*

*Acta crim.
Rom. Mascambr.
Fulden. Hist.
temp. l. I.
pag. 35.*

Infelicis sane prosperitatis monumentum exstitit Franciscus Canonici, dictus postea Mascambrunus. Hic tenuis fortunæ parentibus Apirij ignobili Marchiæ